

## “Ўзтемирийўлназорат” инспекцияси Ахборот хизмати түғрисида

### Низом

#### 1-боб. Умумий қоидалар

1. Мазкур Ахборот хизмати түғрисидаги Низом (кейинги ўринларда Нимзом деб аталади) Ўзбекистон Республикаси Президентининг 2019 йил 27 июндаги ПҚ-4366-сон “Оммавий ахборот воситалари мустақиллигини таъминлаш ҳамда давлат органлари ва ташкилотлари ахборот хизматлари фаолиятини ривожлантириш бўйича қўшимча чора-тадбирлар түғрисида”ги Қарори ҳамда Ўзбекистон Республикаси Вазирлар Маҳкамасининг 2018 йил 15 февралдаги 125-сон “Ўзбекистон Республикаси давлат ва хўжалик бошқаруви органларининг ахборот хизматлари фаолиятини янада такомиллаштириш чора-тадбирлари түғрисида”ги қарорига мувофиқ ишлаб чиқилган ва “Ўзтемирийўлназорат” инспекциясининг (кейинги ўринларда инспекция деб аталади) Ахборот хизмати (кейинги ўринларда Хизмат деб аталади) фаолиятини белгилайди.

2. Хизмат инспекция марказий аппаратининг мустақил таркибий бўлинмаси ҳисобланади ҳамда бевосита инспекция раҳбарига бўйсунади.

3. Хизмат ўз фаолиятида Ўзбекистон Республикаси Конституциясига, Ўзбекистон Республикасининг қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг ва Транспорт вазирлигининг қарорлари ва фармойишларига ҳамда ушбу Низомга амал қиласди.

4. Хизмат ўз фаолиятини инспекция ҳудудий ва таркибий бўлинмалари ҳамда бошқа давлат ҳокимияти ва бошқаруви органларининг тегишли хизматлари билан ўзаро яқин ҳамкорликда амалга оширади.

#### 2-боб. Хизматнинг асосий вазифалари ва функциялари

5. Куйидагилар Хизматнинг асосий вазифалари ҳисобланади:

- инспекция фаолияти ҳақида оммавий ахборот воситалари, ижтимоий тармоқлар, инспекция расмий веб-сайти, шунингдек, бошқа ахборот ресурслари орқали, шу жумладан матбуот анжуманлари, брифинглар, медиатурлар ташкил этиш йўли билан ахолига мунтазам, тўлиқ ва тезкор равишда ахборот тақдим этиб бориш;

- инспекцияда мамлакатимизнинг ижтимоий-сиёсий ва социал-иктисодий тараққиёти жараёни ҳақида ахборот бериш ва ёритиш бўйича чора-тадбирлар ишлаб чиқиши ва амалга ошириш;

- инспекциянинг ижобий имижини шакллантириш ва илгари суриш, ижтимоий сўровлар ўтказиш ва бошқа шаклларда жамоатчилик фикрини ўрганиш;

- ахборот сиёсати соҳасида юкланган вазифаларни амалга оширишда Ўзбекистон Республикаси Президенти Администрацияси хузуридаги Ахборот ва оммавий коммуникациялар агентлиги (кейинги ўринларда — Агентлик) билан самарали амалий ҳамкорликни йўлга қўйиш;

- оммавий ахборот воситалари билан самарали ҳамкорлик қилиш, ахборот хизматлари билан доимий ишловчи журналистлар ва блогерлар доирасида тезкор маълумотларни тарқатиш;
- мунтазам равишда оммавий ахборот воситаларида инспекция раҳбарларининг чиқишиларини ташкил этиш;
- ахборот макони мониторингини олиб бориш ва таҳлил қилиш, танқидий ва кенг муҳокама қилинаётган ахборот хуружларига тезкор муносабат билдириш, оммавий ахборот воситалари ва Интернет тармоғида инспекция фаолиятига алоқадор ахборотни тарқатиш бўйича ишларни ташкил қилиш;
- давлат органлари ва ташкилотлари билан биргаликда маҳаллий ва хорижий оммавий ахборот воситалари орқали тарқатиш учун хабар, маълумот, шарҳ ва бошқа ахборот-таҳлилий материаллар тайёрлаш;
- инспекциянинг фаолияти тўғрисида жамоатчилик фикрини, миллий ва хорижий оммавий ахборот воситаларининг позициясини ўрганиш, долзарб таклифлар ишлаб чиқиш ва улар тўғрисида инспекция раҳбариятига ахборот бериб бориш;
- инспекция фаолиятини хорижий оммавий ахборот воситаларида сифатли ёритиш максадида ваколатли вазирликлар ва идоралар орқали Ўзбекистон Республикасининг хориждаги дипломатик ваколатхоналарини, шунингдек, хорижий мамлакатларнинг Ўзбекистондаги дипломатик ваколатхоналарини ахборот материаллари (босма маҳсулотлар, фото-, аудио-, видеоматериаллар ва х.к.) билан таъминлаш;
- инспекциянинг ваколатига кирувчи норматив-хуқуқий ҳужжатларнинг лойиҳалари ҳамда уларнинг тасдиқланган матнларини белгиланган тартибда ўз расмий веб-сайтларида жойлаштириш;
- инспекциянинг фаолиятига алоқадор матнли, фото-, аудио- ва видеоматериаллардан иборат маълумотлар базасини шакллантириш ва янгилаш бориш.

6. Хизмат юкландиган вазифаларни амалга ошириш учун куйидаги функцияларни бажаради:

- ОАВда, шу жумладан, Интернет тармоғида ахборот эълон қиласи (чоп этади), шунингдек, уларни расмий веб-сайтларда, ҳамма кириши мумкин бўлган хоналар ва жойларга жойлаштириш ва янгилашни таъминлайди;
- оммавий тадбирларни, шу жумладан, инспекция раҳбарлари иштирокидаги тадбирлар (мажлислар, йиғилишлар, учрашувлар, матбуот анжуманлари, брифинглар, семинарлар, давра сұхбатлари ва бошқалар)ни ташкил этади ва ўтказади;
- ОАВ ва журналистларнинг сўрови асосида уларга оғзаки ва ёзма шаклда (шу жумладан, электрон ҳужжат шаклида) ахборот тақдим этади;
- қабул қилинаётган қонун ҳужжатлари, социал ва ижтимоий аҳамиятга молик муҳим дастурлар ҳамда Ўзбекистон Республикаси худудида ҳуқуқни қўллаш амалиёти ҳолати мониторингини олиб боради ва кенг жамоатчиликни хабардор қилиб боради;
- Хизмат олдида турган вазифаларни самарали ҳал этиш учун зарур бўлган ахборотни давлат ва хўжалик бошқаруви органининг бошқа бўлинмалари билан ўзаро ҳамкорликда тўплайди ва уларни пухта ишлайди;
- инспекция фаолиятига доир масалалар бўйича босма материалларни тайёрлайди ҳамда миллий ва хорижий нашрларда эълон қиласи, телекўрсатувлар ва радиоэшилтишларни ташкил этади, тегишли соҳада давлат сиёсатини амалга оширади;
- инспекция фаолиятига доир масалалар бўйича жамоатчилик фикрини ҳамда миллий ва хорижий оммавий ахборот воситалари позициясини ўрганишга доир таҳлилий ишларни амалга оширади, инспекция раҳбариятига ахборот бериш учун эълон қилинган долзарб материаллар шарҳларини тайёрлайди;

- ОАВ билан ахборот-маълумотнома ишларини амалга ошириш учун инспекция фаолиятининг асосий йўналишлари бўйича таҳлилий, статистик ва бошқа материалларнинг тизимлаштирилган маълумотлар банки ташкил этилиши ва юритилишини таъминлайди;
- инспекция фаолиятини энг тўлиқ ва холисона ёритиш мақсадида миллий ва хорижий ОАВ ҳамда журналистлар билан ўзаро ҳамкорликни амалга оширади;
- инспекциянинг веб-сайти замонавий даражада юритишни таъминлайди;
- инспекция томонидан ташкил этиладиган расмий тадбирлардан теледастурлар, роликлар ва лавҳалар тайёрлашда ва уларни монтаж қилишда иштирок этади ҳамда ушбу материалларни белгиланган тартибда саклаш учун уларнинг архивлаштирилишини таъминлайди;
- инспекция фаолиятига доир фото, аудио ва видеоматериалларни тайёрлайди ҳамда уларни тайёрлаш жараёнида давлат ва нодавлат ОАВ билан ўзаро ҳамкорлик қиласди;
- инспекциянинг фаолият соҳасига алоқадор фото, аудио ва видеоматериаллар маълумотлар банки шакллантирилиши ва юритилишини таъминлайди.

7. Хизмат ўз ваколатлари доирасида миллий ва хорижий ахборот агентликлари ҳамда ОАВнинг инспекция фаолияти тўғрисидаги материалларни тайёрлашда кўмаклашиш тўғрисидаги буюртманомалари ва сўровларини кўриб чиқади.

### **3-боб. Хизматнинг хукуклари ва жавобгарлиги**

8. Хизмат ўзига юклangan вазифалар ва функцияларни бажариш учун куйидаги хукукларга эга:

- Хизматнинг вазифалари ва функцияларини бажариш учун зарур бўлган ахборотни инспекциянинг бошқа бўлинмаларидан, идоравий мансуб ташкилотлардан белгиланган тартибда сўраб олиш;
- инспекциянинг йиғилишларида, мажлисларида ва бошқа тадбирларида қатнашиш;
- кўйилган вазифаларни бажариш учун инспекциянинг раҳбари билан келишган ҳолда идоранинг бошқа бўлинмалари ходимларини жалб этиш, шунингдек, бошқа ташкилотларнинг мутахассислари ва малакали экспертларини, шу жумладан, шартнома асосида жалб этиш;
- давлат ва хўжалик бошқаруви органларининг ахборот хизматлари билан белгиланган тартибда ўзаро ҳамкорлик қилиш;
- раҳбариятнинг топшириғига кўра давлат органларида республика ва халқаро аҳамиятга эга бўлган тадбирларда Хизмат ваколатига тааллуқли масалалар бўйича инспекция номидан вакиллик қилиш;
- ўз ваколатлари доирасида босма нашрларни нашр этиш;
- инспекциянинг ахборот сиёсатини такомиллаштиришга доир таклифларни, Хизмат фаолияти масалалари бўйича норматив ҳужжатлар лойиҳаларини раҳбариятнинг кўриб чиқиши учун киритиш.

9. Хизмат:

- ўзига юклangan вазифаларнинг сифатли ва ўз вақтида бажарилиши;
- инспекция фаолиятининг миллий ва хорижий ОАВда холисона, сифатли ва тезкор ёритилишини таъминлаш учун жавоб беради.

### **4-боб. Хизмат фаолиятини ташкил этиш**

10. Хизмат ходимлари сони у амалга оширадиган вазифаларнинг мураккаблиги ва ҳажмига кўра инспекциянинг раҳбари томонидан, ходимларнинг тасдиқланган умумий сони доирасида белгиланади.

11. Хизмат фаолияти инспекциянинг раҳбари томонидан тасдиқланадиган иш режаси асосида ташкил этилади.

12. Хизматга инспекция бошлиги томонидан Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги холосасини

хисобга олган ҳолда лавозимга тайинланадиган ва лавозимдан озод қилинадиган раҳбар бошчилик қилади.

13. Хизмат раҳбари бевосита инспекция бошлиғига бўйсунади ва айни вақтда унинг матбуот котиби – ахборот сиёсати масалалари бўйича маслаҳатчиси хисобланади.

14. Хизмат раҳбари:

- Хизмат фаолиятини мувофиқлаштиради ҳамда Хизматга юкланган вазифалар ва функцияларнинг бажарилиши учун шахсан жавоб беради;

- Хизмат фаолиятини ташкил этади, режалаштиради ва назорат қилади, инспекциянинг бошқа бўлинмалари билан ўзаро ҳамкорликни амалга оширади;

15. Хизмат фаолиятини ахборот, ҳукуқий, моддий-техник, тиббий ва транспорт билан таъминлаш, ижтимоий-маиший хизмат кўрсатиш инспекциянинг бошлигининг ўринbosари учун белгиланган тартибда амалга оширилади.

### **5-боб. Якуний қоидалар**

16. Мазкур Низом талабларини бузган шахслар қонунчиликда белгиланган тартибда жавобгар бўладилар.